



MANDULO-2016

“Zithandeka kangaka izindlu zakho Jehova Sebawoti! Umphefumulo wami ulangazelela, womela amagceke kaJehova; inhliziyo yami nomzimba wami kuyahuba ngokwethaba kuNkulunkulu ophilayo” (Amahubo 84: 1–2).

Kulenyanga ngifunda Amahubo 84. Lelihubo liletha ukuphila enhliziyweni yami uma umphefumulo wami udinga ithemba. Lelihubo lilonke lichaza ngethemba.

Labhalwa ngesikhathi esihle sikalsrayeli, mhlawumbe ingenkathi iNkosi uSolomoni ibusa, Yonke iminyaka abantu babeya eJerusalema kuMkhosi weTabenakele. Babehamba baye emzini oNgcwele ukuyokhonza eThempeleni.

Uma sifunda lelihubo sibona inhliziyo yalabo ababeya eJerusalema ukuyokhonza.

Ngiyabheka nje ukuthi inhliziyo yabo yayilangazelela kanjani ukuba sebukhoneni beNkosi. Ngizibuze ukuthi, kabe mina ngikulangazelela kangakanani ukuba sebukhoneni beNkosi? Ngabe ngenzenjani ukuze ngibe nesikhathi noNkulunkulu nsuku zonke?

Lelihubo liyasiphoqa ukuba sibuke izinto esizithandayo. Ungakhuluma noma uthandaze ngamazwi alelihubo kube ngathi amazwi akho? Ngabe uyakulangazelela ukuba sebukhoneni beNkosi? Ngabe inhliziyo yakho imlambele uNkulunkulu?

Kade ngigula ezinsukwini ezidlule, bengifisa ukuphila ngokushesha ukuze ngiqhubeke nomsebenzi wami. Ngicabange ukuthi, “Uma ngiphukile emoyeni ngiyaluthola yini usizo eNkosini? Uma silusizi siyagijimela yini Kuye, silambe ubukhona Bakhe?”

Kulenyanga sisakhulekela abesifazane eBulgaria, Croatia, Greece naseSlovakia, asinikele konke okusezinhliziyweni zethu siphakamisele amaphimbo ethu ngokulangazelela nokulambela uNkulunkulu. Noma ngabe silimele emoyeni asimfune, simethembe ukuthi uyinyanga enkulu.

Kwikhalenda laOktoba sizobheka ukulambela uNkulunkulu. Nomkhuleko wethu wokuzila ukudla sizowuqhubezela uqondane nosuku lwabesifazane lomhlaba wonke ngoMarch 2017.

Yazi uthando lokuphilisa kwakhe kulenyanga, usesohambweni lokuyethemba iNkosi.

Kuye izinhliziyzo zethu ziyathokoza,

Peggy Banks
Global Ministry Director
Project Hannah